

DIVINA CLEMENTER ADFUL-
GENTE GRATIA!
DISSERTATIO PHILOSOPHICA
INAUGURALIS,
SELECTIORES THESES
DE MENDACIO
EVENTILANS;

QUAM,
MANDATO ET AD PROBATIONE
AMPLISSIMÆ FACULTATIS PHI-
LOSOPHICÆ, IN ILLUSTRI RE-
GIAQUE UNIVERSITATE
ABOENSI,
MODERATORE
PLURIMUM REVERENDO AM-
PLISSIMO^g VIRO,

DN. MAG. PETRO LAUR-
BECCHIO, POESIOS PROFES-
SORE CELEBERRIMO, MECOE-
NATE SUMMO,

PUBLICÆ PLACIDÆ QUE Συμφιλοσοφίαν
MODESTE SUBMITTIT DISQUISITIONI

ANDREAS MERZHEN A. F.
ABOENSIS

In Auditorio Maximo, Anno Orbis Redempti
M. DC. LXXIX. die 25. Novemb.

ABOÆ, Excus. apud Viduam Hans. A. T.

SACRÆ. REGIÆ. MAJESTATIS.
REGNIQUE. SVEO-GOTHICI.
SENATORI. NEC. NON. IN. RE-
GIO. PARLAMENTO. HOLMEN-
SI. PRÆSIDI. UT. ET. JUDICI.
NERICIÆ. PROVIN-
CIALI.

PERILLUSTRISSIMO. EXCEL-
LENTISSIMO^ꝝ DOMINO,

DN. CANUTO
KVRKER/

LIBERO. BARONI. IN. LEM-
PE^ꝝ DOMINO. IN. HEG-
DENS^ꝝ. GJOKBHD^ꝝ.
KDHGHD^ꝝ. ET. ARE-
HOS/ &c. &c.

DOMINO. AC. PATRONO. LONGE,
GRATIOSISSIMO.

UR. ET.

PERILLUSTRISSIMO. LONGE^q.
GENEROSSISSIMO. HEROI
AC. DOMINO.

DN. ERNESTO
JOHANNI CÆSARIS

LIBERO. BARONI. IN. CÆ.
SÆ. GARÆ. DOMINO. IN. MÆ.
MÆ. SUNDÆ. ET. TÆ.
MERFORS. &c. SACRATIS-
SIMÆ. REGIÆ. MAJESTATIS.
REGNIQUE. SVECIÆ. CON-
SILIARIO. ET. SUPREMI. RE-
GII. JUDICII. IN. MAGNO.
FENNINGIÆ. DUCATU. PRÆ-
SIDI. GRAVISSIMO. DOMINO.
AC. MECOENATI. JAM,
DIU. GRATIOSIS.
SIMO.

Vestrū. Utrīque.
Sacræ. Rēgiæ. Majestatis.
Regnique. Sveciæ.
Senatoribus. Longe. Eminentissimis.
Heroibus.
Perquam. Pijs. &. Sapientibus.
Ad. Splendorem. Præsentis. Seculū.
Posteritatis. Vero. Exemplum.
Insigniter. Natis.
Literarum. Literatorumq; quorū Ipsi.
Maximè. Principes.
Patronis. & Statoribus. Beneficētissimis.
Immortale. Fastigiū. jā. Dudū. Prōmeritis.
Dominis. Gratiolissimis.
Quorum. Fulgentissimam.
Præsentiam.
In. Orbe. Christiano.
Summe. necessarijs. Rebus. Occupatam,
maximis. Parem. Negotijs.
Ecclesiæ. Vere. Lutheranæ. Salutarem.
Autor. Salutis.
Toti. Imperio. Sveo-Gothico.
Firmiter. Pacificam.
Princeps. Victoriæ. Summus.
Sub. Polo. Vitam. Degtentibus.

Gloss

Gloriosam;
Rex. Gloriæ.

Huic. Illustri. Universitatî. Aboënsi.
Honorificam.

Supremus. Honoris. Arbiter.
Esse. Porrò. Iubeat.

Deus. Ter. Optimus.

Ter. Maximus!

Quicquid. Hoc. est.

Non. pro. decoramento.

Vestrarum. virtutum. planè. Heroicarū.
Sed. pro. tenui. copiâ. rerum. suarum.
Sacrum. Esse. Cupit. Dicatumque.

Perillustriissimis Vestrīs Nominibus

Divinissimus Cliens

A: M: A. E.

PRÆFATIO
Ad Candidum Lectorem.

Ulm, Benevole Lector,
nullo non tempore vehemens ad
ea documenta argumentaq; quæ
in bonarum artium Monumen-
tis Philosophiam nempè Practicam sapiunt,
dilucidanda & enodanda, animo meo tenui
insederis desiderium; Inter cetera verò con-
sideratione ac lectione dignissima, nullum adeo
mihi visum præstantius, illustrius, celebrius,
quodque curiosiora ingenia majori stupore &
admiratione agit, quam vastum illud mo-
mentum, videlicet de Mendacio, ventilandum;
&, uti fervor ingens modum nescit, ita is
quoque eò me impulit, ut sine ulteriori pro-
longatione, materiam olim Jesuviarum rati-
onibus frivolis stabilitam, in publico phronti-
sterii Philosophici Synedrio demonstrandam re-
ferendamque suscepervim: Etiam cum conce-
pti fœtus thema grandius, fæcundiusq; verum
in eâ tradendarum ubertate & opulentia
videretur, quam ut id exiguo paucorum
foliorum libello comprehensum, instituti di-
gnitatem atque estimationem congruè expo-
neret

neret, quin potius rerum in eo explicandarum copiam, & varietatem, inconcinnâ suâ brevitate sic vel maximè obscuraret. Illud opportuniori tempori reservatum, eruditiorum cumulo auctum editurus, nunc temporis hoc modò, qualemque tandem judicio Doctorum sit, quarumcunque scientiarum eximijs Magistris cultoribusque modestè exhibeo. Itaque suscepti operis conatum, Divini Luminis adspirante gratiâ, eâ, quam ingenij mei imbecillitas permiserit, evulgatio persequar; in quo si quidpiam tortum, hiulum, ac expositioni incongruum occurrerit, id & difficultati argumenti, & mea incapacitati feras acceptum. Vale, sincere Lector, & ausibus meis benignè annue!

IN NOMINE SACRO SANCTÆ TRINITATIS.

§. I.

 Ravem movet Grotius disputationem; Ultrum quis possit sermone uti, qui sit Mendacium? Et primò argumentatur ex Sacrâ Scripturâ, Divo Augustino; Homero, Sophocle, Gleobulo, Aristotele; Deinde pro-

X pro alterâ stat parte, & ad Scripturæ Ex-
empla provocat, Patrum pronunciatæ,
Philosophos & Oratores. Potuisset au-
tem his quoque accensere modernos
Judaeorum, qui Mendacium officis
probant, & pluribus stabilire satagunt
argumentis. Produco i notissimum
illum Judæorum Magistrum, Menasse
Ben Israel; qui in Conciliatore qvæst. 37.
in Genes. pag. 47. 48. 49. ita procedit:
*Sunt, qui putent, Prophetas mentiri
nec debere, nec posse: Quare quando in
sacris literis contrarium inveniunt,
ajunt verba esse ambigua, Et sub spe-
cie mendacij occuliveritatem. Unde
iijdem negant mentitum Abrahamum,
quia, cùm neptis appelletur filia, pote-
rat quoque Abrahamus, incorruptâ ve-
ritate, Saram appellare sororem; quip-
pè genitam Arano fratre suo, filio Te-
rabi: aut etiam, ut ibidem annotavi-
mus, ijs verbis propinqua designabatur.*
Eodemq; modo à Patre Isaco Jacob in-

terrogatus, quis esset? Respondit; Ego
Esau primogenitus tuus, ac si dixisset;
Ego; tum paulum quiescit, ac si diceret,
sum qui sum; Esau tuus es primoge-
nius. Vel, ut inquit R. Bahye, ego
sum in loco Esavi, & represento eum,
postquam vendidit mibi jus primoge-
nituræ. Illud verò, quod dixit fratri
suo: Sic enim vidi faciem tuam, quasi
vidissim faciem Angeli, non fuit, ut
arbitror, adulantis: sed dubijs verbis
affirmavit, non minus se timuisse ad
adspicium ejus, quam solent homines
revereri aspectum Sacrosanctorum.
Eâ quidem mente ipse Patriarcha ea
protulit verba, quamvis videretur
Esavo indicare, adeò se latatum con-
spectu ejus, ac si ipsos angelos vidisset.
Talibus autem ambagibus atque intri-
catis verbis, & quocunque ducontur
inclinaturis, ut licet, modò necessitas
urgeat, & bono fine, atque absque al-
terius

terius damno id fiat. Sic sanè fecerunt Decem Patriarchæ, cum coram Josepho stantes dixerunt de ipso Josepho, & unus non est amplius; ambiguè significantes, aut mortuum esse eum, aut saltem ignaros sese, quid ei evenisset. Tandem concludit Cæterum, ut dixi, quando aliter esse nequit, neq; offenditur quisquam, licet uti mendacio officioso. Plura vide exempla apud præfatum Authorem.

§. 2.

Potuisset numerum augere ex Jesuitarum Scholâ, qui reservationibus mentalibus patrocinantur, & eosque progrediuntur, ut usum illarum licitum esse asserant in humanis colloquiis, atque commerciis etiam juramento firmatis, vel firmandis. Inter Articulos per facultatem Theologicam Lovaniensem Anno 1653. ad requisitionem Archiepiscopi Meehlinensis reprobatos, hic fuit ordine quintus: Licitum est, tam in iudicio

dicio, quām extra judicium, jurare cum
restrictione mentali, non habito respectu ad
intentionem ejus, qui petit juramentum. Rur-
sus inter Articulos per eandem facultatem
Anno 1657, ad instantiam Episcopi Ganda-
vensis reprobatos, iste fuit ordine decimus
nonus: Qui mediante commendatione, vel
munere, ad Magistratum vel officium pu-
blicum promotus est, poterit cum restrictio-
ne mentali præstare juramentum, quod de
mandato Regis à similibus solet exigi, non
habito respectu ad intentionem exigentis;
quia non tenetur faceri crimen occultum.
Deniḡ inter Articulos per Episcopum Namur-
ensem cum suâ Syncdo Diæcesanâ Anno 1659
interdictos, hic fuit ordine decimus; Qui
vel solus, vel coram alijs, sive interrogatus,
sive propriâ sponte, sive recreationis gratiâ,
sive quocunq; alio fine, juret se non fecisse
aliquid, quod revera fecit, intelligendo in-
tra se aliquid aliud, quod non fecit, vel a-
liam diem ab eâ, in quâ fecit, vel quodvis
aliud addititum verum, revera non menti-
tus, nec est perjurus.

§. 3.

Audiamus Professorem & Collegij
Majoris in Academiâ Lovaniensi Prä-
sidem

Sidem : Cujus argumenta contraria
præmittere consultum duximus, ut eò
facilior via sit nobis in sequenti thesi.
Ita verò ille pag. 415. seq. Istud ergò est pri-
mum Argumentum , & quidem peremto-
rium adversus mentalium reservationum pra-
xim: quod nec ipsi quidem earum defensores
a quo patientur animo , sibi per eas et-
iam à suis discipulis illudi. Ex quo
planum est , eas impingere in OEc-
umenicum illud Legis Naturæ prin-
cipium nemini ignotum: Quod tibi
non vis fieri , alteri nè feceris. Alio
præterea argumento evineitur , non esse
audiendos illius praxios defensores ;
quia nimirum docendo illam praxin
esse licitam , fortassis eâ ipsâ praxi utun-
tut , dum dicunt esse licitam , atque ita
in corde suo sentiunt illicitam ; quam
verbis mentaliter restrictis venditant
easquam licitam . Cur enim hic non
habeat locum regula ista Augustini :
Quomodo credendum est ei , qui putat al-
quando esse mentiendum , nè forte & tunc meno-
tatur , cum præcipit , ut credamus ? Quod
si forte asseverent , vel etiam jurent , se
non

non uti mentali restrictione; quis e-
quidem prudens eis fidet, cum non im-
merito ambigatur; Num in hac ipsa
suâ asseveratione vel juratione non
utantur mentali restrictione? Omnes
ergo fidem sibi adimunt, qui menta-
lium restrictionum Patronos se exhib-
ent. Tertio, quoniam non solùm in
simplicibus assertionebus, sed etiam in
jurationibus, usum mentalium restri-
ctionum adprobant, Apostolicum illud
oraculum penitus evançant: Homines
per majorem se jurant, & omnis con-
troversia eorum finis, ad confirmati-
onem, est juramentum. Nulla quippe
humana controversia poterit juramen-
to rite finiri, si juranti fas sit, mentali
restrictione uti. Quartò, mentalium
restrictionum usus omnino adversatur
institutioni vocum, dicente Augustino.
Utique verba propterea sunt instituta,
non per quæ se invicem homines fal-
lant, sed per quæ in alterius quisque
notitiam cogitationes suas perferat.
Verbis igitur uti ad fallaciam, non ad
quod instituta sunt, peccatum est.

Pulchrè & appositi Bernhardus : O Chaos magnum, inquit, inter nos firmatum est, nisi interveniente quasi instrumento vero borum fiat ad invicem transitus quidam cordium in communicatione cogitationum. Hac necessitate inventa sunt verba. Quando quis Deo Soli loquitur, perinde eslet, an exterioribus verbis aut aliis signis, an interioribus mentis conceptibus, an deniq; partim his, partim illis loquatur; quia Deo æqualiter omnia patefcunt, nec ullum Chaos inter ipsum & cor humanum interjacet. Sed quia homines mutuò corda non introspicunt, indita eis est facultas loquendi, ut quod quisq; gerit in corde, communicare aliis valeat verbo, vel, si erit μονάλος, aperire mentem suam scripto possit. Unde Divus Augustinus : De falso testimonio, inquit, quod in decem præceptis legis possum est, nullo modo quidem concedi potest, dilectionem veritatis in corde servandam, & proferendum falso adeum, apud quem dicitur testimonium. Cum enim Deo tantum dicitur, tunc tantum in corde veri-

tas complectenda est: Cum a. homini dici-
sur, etiam ore corporis verum proferendum
est, quia homo non est cordis inspecto^r. Atq;
hinc exurgit Quintum Argumentum
contra eundem mentalium restrictio-
num usum; Adversatur enim summo-
pere societati Civili, adeoq; ipsi Natu-
ræ humanæ, quæ eam naturaliter ap-
petit societatem. Quia homo est ani-
mal sociale, naturaliter unus homo
debet alteri id, sine quo societas hu-
mana servari non posset. Non autem
possent mortales ad invicem convive-
re, nisi sibi invicem crederent, tan-
quam sibi invicem veritatem manife-
stantibus. In dispersione Gentium,
post Babylonica^m confusionem lingua-
rum, illi homines sibi invicem cohæse-
runt, qui se ejusdem idiomatis esse
compererunt; Quia iij soli mutuas men-
tes intimare invicem potuerunt, sine
quâ intimatione coalescere in unam
societatem nequierunt. Unde Beatus
Augustinus: Si duo, inquit, sibimet invi-
cem fiant obviam, neg^t, præterire, sed simul
esse aliquâ cogantur necessitate, quorum,

neuter

neuter norit linguam alterius; facilis est in animalia muta, etiam diversi generis, quam illi, cum sint homines ambo, sociantur: quando enim quae sentiunt inter se communicare non possunt, propter solam linguarum diversitatem, nihil prodest ad consociandos homines tanta similitudo Naturæ: Ita ut libenter homo sit cum cane suo, quam cum homine alieno.

§. 5.

Progreditur Grotius, & putat mendacium quandoq; esse licitum, distinguitq; inter largiorem & strictiorem, mendacij acceptiōem: deinde, duplēm significationis falsitatem ponit; unam, quæ pertinet ad erudiendum eum, qui curæ nostræ est traditus, alteram, ad evitandam iniquam interrogatiōem. illam confirmat exemplo Christi, Joh. xi: v. 11. hanc alteram confirmat ex Passionis Historiâ. Verum nos cum sanioribus sapientum, & præprimis Divo Augustino, omne mendacium putamus esse peccaminosum & illicitum; idq; quia (ut Scotus recte observat) nullus vult se decipi a pro-

proximo. Non obstat, 1. hâc ratione etiam peccatum commissum Doctorem, si falsum dicat discipulo suo, ut exploret profectus. 2. Si factis concessum falsum significare, etiam verbis hoc ipsum licitum esse; prius autem constare exemplo Josvæ & Davidis, Jos: viii: v. 15. 1: Sam: xxi: 14. 3. Quod aliquando laudabile sit mentiri penes Medicum, qui Melancholico hoc vel illud persvadeat; penes ægrotum, cui triste nuntium lætomutetur; penes hominem occidendum, qui si queratur, & querenti dicatur, non adesse ipsum. Removetur enim primum objectum: illud quippe argumentum non concludit juxta mentem nostram. Doctor nempe loquens falsum, non loquitur contra conscientiam, nec oratio talis habet rationem mendacij, quia non profert eam assertivè, sed tantùm tentativè: Non tantùm enim mendacium dicit orationem quandam externam conceptui interno oppositam, sed etiam directam ad fallendum, quæ in Doctore tali exspirat intentio; neque enim vult

fallere, sed caverē fallaciām. Unde
Seneca: excusatiū in his hujusmodi est
voluntate peccare , quām casu: & in
arte vivendi turpior volentium cul-
pa est. Ad (2) respondetur, signa talia
esse indifferentia ad bonum & malum
in factis. Præterea falso non fuit
significatum, ut constare potest de Jo-
svā. De Davide autem possumus dicere,
fictionem illam fuisse figuralem; præ-
terea impingendo in ostia, non dice-
bat se esse stultum, sed tantū id simu-
labat ob instans periculum, quod erat
verum. Ad(3)respondetur,in tali casu
non esse mendacium, sed solertiam;
aliās non obstat finis bonus.

§. 6.

Quod concernit exempla adducta,
non illa faciunt pro Authore. Non
illud Joh: xi: tum quia Christus voca-
bulo *dormiendi* mortem voluit significa-
re, & saltem molliūs expressit illam;
tum quia ille confessim illud clariūs ex-
plicavit v. 14. tum quia ita loquutus est
propter brevi subsecuturam resurre-
ctionem, ob quam quasi pro somno fuit
ha.

habenda mors Lazari. Secundum non congruit, quia falsum est Christum intendisse hoc ipsum, ut Judæi inteligerent de Templo Hierosolymitano; enim digito tetigit corpus suum, & dixit: Solvite templum hoc. hinc Capellus: *Christus cum hac diceret, non templum lapideum, in quo ipse cum judais erat, sed seipsum digito intento videtur omnino demonstrasse.*

§. 7.

Coronidis igitur loco adponam hanc Qvæstionem: An mendacium interdum sit licitum? Resp. D. Mendacium communiter triplex est: *Perniciosum, jocosum & officiosum.* Finis perniciosi est, lèdere jocosi delectare, officiosi prodesse. Perniciosum, quia proximo infert dñmnu, ab omnibus pro gravi peccato habetur. *Jocosum* pro mendacio ferme non aestimatur, quia falsitas audientē non diu latet: Officium vero, quo vel nobis, vel proximo prodesse studemus, non est propriè dictum mendacium. B. M. Augustinus simpliciter omne mendacium peccatum appellat in lib. de Mend. cap. 14. & c. 3. ait, *Nullum esse mendacium, quod non sit veri-*

gati contrarium. Sed in Religionis negotio hoc quidem obtinet, ubi nè quidem jocando mentiri licet, neque per mendacia veritas est stabilienda. In rebus autem Politicis, ad mendacium propriè sic dictum non sufficit intentio sola fallendi; sed & requiritur privata mentiendi cupiditas, ex ingenij levitate, aut ex instinctu Satanæ profecta; quo sit, ut mendacium dirigatur ad contumeliam Dei, ad proprium mentientis commodum, & detrimentum proximi. Quapropter simulationes, hyperbolæ, stratagemata, & similia in rebus ad commodum proximi spectantibus, quas palam agere tutum non est, non mendacijs, sed calliditati potius sunt adscribenda. Itaque excusantur ab hoc vicio sanctissimi illi homines, qui ob honestum finem callide aliquid reticuere: Quo in censu sunt Abraham, Gen: 12. v. 13. Jacob, Gen: 27. v. 19. Rachel, Cap: 31. v. 35. Nutrices illæ Ægyptiacæ, Exod. 1. v. 20. Baldvinus. Sed hæc, Benev. Lector, pro ratione instituti
hæc vice sufficient,

DEO SOLI GLORIA,

IN VIRUM

Modestâ Eruditione ac Virtutè per-
eximium,

DN. ANDREAM A. MERTHEN/
Philosophiaæ Candidatum, pro Magi-
sterii Philosophici Insignibus Privilegiisq;
publicâ disputatione solerter
diferentem ,

ODA.

Ponto fluctuoso quando Aquilonibus
Fertur nauta, metu denig; panico
Prospectans scopulos eminulos mari,
Portus quâ petitur vel dubiâ fide:
Vah! quanta anxietas horrorq; irruit
Mentem prætimidam, Syrtibus haret
Nè navis, brevibus forse etiam naufragia
Dirumpant tabulas saxa latentia!

Temet MERTHENIDEN, credere non secus
Et nobis liceat, forte vagantium
Quassasse impetum vira vebementius,
Metas, indubie Phœbigenis ratas,
Sperantem studijs nunc etiam tuis;
Incertis pelagi fluctibus amplius
Factari pavidum, Castalis ut vadum
Optatum unda daret pervium honoribus.

*Gaude nunc ideo latius in sinum;
Quod merces propera est ante laboribus
Anthlatis! Genitrix est hilaris tua,
Nato quod studij praemia denig.
Prolixo videat facta perennia.
Omnes quando boni nunc pariter tuis
Congaudent Claris prosperitatibus;*

Unà illis titulos ipseq; gratulor,

PETRUS LAURBECCHIUS
Poët. Prof. Ordinarius.

Veritas est pietatis vitalis spiritus, scientiarum basis, actionum humanarum Sol, Imperantiū & subditorum germanū gaudium & solida gloria. Mendacium ē diverso, manet & manebit impietatis oleum, literarum fucus, dispositionum nox, Regnorum venenum & lues pestifera. Propter veritatem amatur veritas, quia proprio sidere, cogitationum, sermonum, actorum Mæjestatem, perfundit & illustrat. Colitur etiam mendacium, ob mendacij larvam, qvæ tamen nec pretium pollicetur, ut mendacia Religiosorum; nec voluptatem adferat,

ut

ut illa Poëtarum ; nec animum titillet
fordidi lucri spe, ut illa artificum ; nec
jucunditatem fluxam promittat, ut illa
muliercularum ; nec qvandam procuret
utilitatem, ut illa gigantea mercatorum
mendacia. Felix ab omni parte is, qui
piè ambulat in conspectu Domini, in
justitia & veritate ; sed infelissimus o-
mnium, qui sub pectore gerit ora aspi-
dis, in commerciis spectrum ostendit
æquitatis, in meditationibus astutiam
sectatur diabolicam. Evolvantur anna-
les & acta temporum, invenientur mi-
rabiles fatorum lusus. Candor suos se-
ctatores beavit in æternum, stante disci-
plina rectitudinis: Sed dolus, & astuta
nequitia, suis cultoribus fuere & mane-
bunt nocentissima. Opto ex animo,
ut sic nunc disputes de Mendacio, ut
nunquam ex animo deponas antiquam
rectitudinem, quam te & amasse, & u-
nicè quæsivisse, tot experimentis di-
dicit

DANIEL ACHRELIUS.